

ԵՐԿՐՈՐԴ ՀԱՏՈՐ

Ա. ՎԱՆ

Հասնելով Վան, մենք իջեւանեցինք Այգեստան կոչոած արոարծանում, որ կից է այդ քաղաքին: Մեզ ընդունեց իր տանը թաղի նշանաւոր անձիքներից մէկը, որ կոչուում էր վարպետ Փանօս: Այդ պարոնը արիեստով ներկարար էր:

Տան տերը առաջին անգամից երեւաց ինձ բարի եւ ազնիւ մարդ, բաւական վայելչակազմ մարմնով եւ պայծառ դէմքով: Արեւելքում մարմնի բարեձեւութիւնը շատ անգամ մարդու յառաջադիմութեան պատճառ է դառնում: Բայց վարպետ Փանօսը, բացի դրանից, ուներ եւ ճարտար լեզու եւ, որպէս երեւում էր, բաւական փորձոած ու խելացի մէկն էր: Երեւի այդ էր պատճառը, որ չնայելով նրա երիտասարդութեանը, նա ընտրոած էր թաղական խորհրդի անդամ, ուր ծերութիւնը եւ սպիտակ մօրուքը աւելի մեծ նշանակութիւն ունէին, քան խելքը:

Բոլորովին մութն էր, երբ հասանք Այգեստան:

Ասլանը սկսել էր այժմ, որպէս ասում են, ինձ փոքր ի շատէ մարդու տեղ դնել: Երբ մտանք վարպետ Փանօսի հիւրանոցը, նա իսկոյն ինձ ծանօթացրեց տան տիրոջ հետ, աւելացնելով, թէ իր մանկութեան ընկերներից մէկն եմ եղել եւ այժմ նրա լաւ բարեկամն եմ: Վարպետը իր սուր եւ թափանցող աչքերով ոտքից ցզլուխ չափեց ինձ, յետոյ խիստ մտերմաբար յայտնեց իր ուրախութիւնը ինձ տեսնելու համար:

Որպէս երեւում էր, վարպետը նախածանօթ էր Ասլանի հետ եւ իր տան մէջ հենց այն գիշեր սպասում էր նրան: Նա գիտէր եւ այն, թէ որտեղից էր գալիս Ասլանը, այդ պատճառով, երբ նստեցինք, նա մի առանձին խորհրդաւոր եղանակով հարցրեց.

- Ինչո՞ւ այդքան երկար տեւեց քո ուխտագնացութիւնը...
- Այդպէս պատահեց... – պատասխանեց Ասլանը նոյն եղանակով:
- Յուսով եմ, որ սուրբ աստոածամայրը կատարած պետք է լինի քո ցանկութիւնը...
- Նա իր ուխտաւորներին անմասն չէ թողնում իր շնորհներից...